



BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
MINISTARSTVO PRIVREDE



IMPAKT

AKCELERATOR



1

Javni poziv za učešće u IMPAKT Akceleratoru na području Tuzlanskog kantona.

2

Mentorstvo i podrška u razradi poslovne ideje za unapređenje biznisa i poslovna obuka u ukupnom trajanju do 4 mjeseca.

3

Prezentacija poslovne ideje pred stručnom komisijom i potencijalnim investitorima i finansijerima.

4

Dodjela bespovratne finansijske podrške u iznosu do 19.999 KM.

5

Kontinuirana mentorska podrška od strane mentora i praćenje razvoja biznisa.

Šta je IMPAKT Akcelerator?

IMPACT Akcelerator je jedinstven program podrške biznisima koji su prošli inicijalnu start up fazu, a koji ima za cilj doprinijeti ekonomskom razvoju lokalnih zajednica i BiH, kroz stimulaciju inovacija, podršci rastu malih biznisa, komercijalizaciji njihovih usluga, razvoj cirkularne ekonomije, digitalizacije i slično.

Osnovni cilj Programa je dodatni razvoj poduzetničkih i menadžerskih vještina i realizacija poslovne ideje o unapređenju biznisa (novi proizvodi/usluge, izlazak na inostrana tržišta, diverzifikacija djelatnosti, digitalizacija poslovanja, e-commerce i sl.), kao i uspostava partnerstva relevantnih aktera u izgradnji poduzetničkog ekosistema i okruženja koje stimulira postojeće poduzetnike koji su prošli ranu start up fazu na dalji razvoj njihovog poslovanja na području Tuzlanskog kantona.

Ko se može prijaviti i kako?

Na Javni poziv mogu aplicirati poduzetnici i poduzetnice (vlasnik i/ili direktor) privrednog društva i/ili obrta u osnovnom ili dodatnom zanimanju koji su registrovani ne kraće od jedne godine (12 mjeseci) i duže od 42 mjeseca sa sjedištem na području Tuzlanskog kantona od dana objave [Javnog poziva](#).

Potrebna dokumentacija za apliciranje na javni poziv

- Prijavni obrazac (Prilog 1);
- Fotokopija Rješenja o registraciji;
- Fotokopija ID broja;
- Fotokopija Obavještenja o razvrstavanju poslovnih subjekata prema klasifikaciji djelatnosti KDBiH 2010;
- Fotokopije Finansijskih izvještaja (Bilans stanja, Bilans uspjeha i Izvještaj o neto gotovinskom toku privredna društva i SPR 1053 obrazac za obrtnike) za godine od osnivanja poslovnog poduhvata do trenutka prijave;
- Original ili ovjereni fotokopija Uvjerjenja o urednom izmirenju direktnih poreza, doprinosa za PIO/MIO i doprinosa za zdravstveno osiguranje izdato od Poreske uprave Federacije BiH ili uvjerenje po osnovu urednog izmirenja dospjelih rata po sporazumu o plaćanju duga u ratama potpisan sa Poreskom upravom Federacije BiH – ne starije od 30 dana od dana objave ovog Javnog poziva;
- Original ili ovjereni fotokopija Uvjerjenja o urednom izmirenju indirektnih poreza, izdato od Uprave za indirektno oporezivanje ili uvjerenje po osnovu urednog izmirenja dospjelih rata po sporazumu o plaćanju duga u ratama potpisan sa Upravom za indirektno oporezivanje – ne starije od 30 dana od dana objave ovog Javnog poziva (ukoliko je u sistemu PDV-a), odnosno potpisana i ovjereni Izjava od strane podnosioca zahtjeva da podnosilac nije u sistemu PDV-a, dostupna uz Javni poziv (Prilog 2);
- Izjava o neosuđivanosti i nevođenju postupka po osnovu privrednog kriminala – popunjena i potpisana od strane ovlaštenog lica i ovjereni pečatom poslovnog subjekta i ovjereni nadležnog upravnog organa ili notara, dostupna uz Javni poziv (Prilog 3);
- Izjava o nesudjelovanju u koruptivnim radnjama – popunjena i potpisana od strane ovlaštenog lica i ovjereni pečatom poslovnog subjekta i ovjereni nadležnog upravnog organa ili notara, dostupna uz Javni poziv (Prilog 4).

Prijave se mogu slati poštom u zatvorenoj koverti na adresu Investicijske fondacije Impakt, Šibenska 3, 71000 Sarajevo, sa naznakom: „Prijava na Javni poziv za odabir korisnika Programa IMPAKT Akcelerator na području Tuzlanskog kantona“ ili putem online prijavnog formulara koji se nalazi na zvaničnoj web stranici Investicijske fondacije Impakt. Sve dodatne informacije možete dobiti putem emaila podrskasarajevo@impakt.ba

Selekcija učesnika

Nakon završetka Javnog poziva, vrši se preSelekcija do maksimalno 40 učesnika Programa poslovne obuke putem pregleda prijava kao i razgovara sa kandidatima. Kao ključni kriteriji odabira uključuju, ali nisu limitirani na sljedeće:

Proizvod – Da li je razvijen MVP (minimalno održivi proizvod/proizvod, da li je testiran na stvarnim klijentima?)

Tržište – Da li se radi o tržištu sa mnogo potencijalnih kupaca sa velikim rastom i lakoćom akvizicije.

Tim – Da li se tim sastoji od stručnih, talentovanih, posvećenih, dobro funkcionirajućih, prilagodljivih timova/ pojedinaca.

Program obuke

Nakon selekcije realizuje se program obuke, stručne i mentorske podrške za korisnike uz profesionalne poslovne usluge za korisnike. Program obuke se sastoji iz četiri dijela, a to su:

Poslovna obuka koja bi bila fokusirana na unapređenje poduzetničkih i menadžerskih vještina poduzetnika sa fokusom na izradu poslovnog plana i poslovnog modela sa jasnim i preciznim projekcijama efekata ulaganja i opisa poslovne ideje o skaliranju biznisa.

Mentorstvo koje u okviru poslovne obuke obuhvata stručnu podršku eksperata – mentora koji će biti angažovani u skladu sa utvrđenim potrebama učesnika obuke, a kroz individualne i grupne mentoring sesije.

Profesionalne poslovne usluge će rezultirati konkretnim vidovima podrške i alatima za učesnika programa, a u skladu sa definisanim potrebama što može uključivati, ali nije ograničeno na izradu web stranice, izradu kataloga proizvoda/usluga, dizajn i redizajn proizvoda i sl.

Umrežavanje je, također, dio ovog segmenta programa a obuhvata organizaciju networking evenata, podršku u povezivanju sa potencijalnim partnerima (dobavljačima, klijentima, donatorima, sponzorima, investitorima i sl). Prezentacija poslovnih ideja nakon obuke slijedi priprema za prezentaciju poslovnih ideja o skaliranju biznisa, te se organizuje prezentacija poslovnih ideja o skaliranju biznisa te vrši ocjena istih od strane komisije.

Način finansiranja podrazumijeva dodjelu bespovratne finansijske podrške (u iznosu do 19.999 KM po poslovnom poduhvatu) za najbolje ocijenjene poslovne ideje. Dodjela bespovratne finansijske podrške vrši se prema principu refundacije na račune registrovanih poslovnih subjekata po dostavljanju dokaza o utrošku sredstava za namjene definisane u investicionom projektu.

IMPAKT inkubator poslovnih ideja u brojkama



LOKALNIH ZAJEDNICA

59



PODRŽANO BIZNISA U OSNIVANJU
I DALJEM RADU

380+



KREIRANIH RADNIH MJESTA

700+



IMPAKT

AKCELERATOR



Šibenska 3 | +387 33 207 812
71000 SARAJEVO | www.impakt.ba
Bosna i Hercegovina | info@impakt.ba



BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
MINISTARSTVO PRIVREDE

Maršala Tita do br 34. (Iamela B) | +387 35 369 335
75000 TUZLA | razvoj@tk.kim.ba
Bosna i Hercegovina | strategijarazvoja.tk.gov.ba

